

TARDE – SPAL = 1 A 2... 'U SCIOPERE DU TIFE.... E DU SCIUECHE!

L'ha mann't Aldo "Diecipalazzine"
lunedì 21 settembre 2009

Ce delore de SPAL(le) stamatinellu; sarà state l'acqua; ajere; sarà ca sta squadre ne spadde a tutte. Bah! Ajere a curva nord ha fatte u sciopere u tife pe tutte u prime tiempe e accussì le sciucature Tarde nuestre, pure lore, honne fatte u sciopere du sciueche. Ma no sule p'prime tiempe; NOOOO; pe tutte a partiteeee. ComBlimendi a squadra nostre; u sciopere ha venute propie bbuene. Manghe nu tire mborte. Pe preparà stu sciopere, honne fatte le cose in grande. S'honne ascunnute! Honne fatte allenamende a Palagianelle; a porte achiusse. Accussì s'honne congendrate bbuene bbuene. Ehehehe! Brave uagnù! Nemmanghe a CGIL-CISL-UIL acucchiate sapevene fa nu sciopere accussì.

L'allenatore nuestre ste sempre ngazzate: O venge, o perde, o paregge.. ehehehe! Mo ha ditte ca adda ffa n'otre sciopere; quidde a parole. No nge vo ccu parle cchiù cu nisciune pe na sumane. ComunGue u Mister se lamende ca a squadre no nge assemegghie a idde; ma secondo me, jè na buscijel! Jè proprie uguale mbece, nervose e cu a malacere. Ehehehe. A Spal ha fatte nu gol o seconde minute cu BAZZANI; e beh! A difese se ste svegliave angore! Vue ccu mitte? Ca quidde le fanne sciucà alle trete alle uagnune; cu le pulpijtte suse o stomache. A quedde ore le vene a papagne alle crestiane; Cu stu scerocche po! E cce ccose? E po ha fatte u gol cu CENTI; a tipe autogol. Po INNOCENTI ha fatte u gol a bandiere accome a quidde a GIALAPPA; S. Tutte sckife honne fatte! A pparte MEZAVILLA. Bah! Secondo me, ste qualcheccose ca no nge funzione tra le sciucature e l'allenatore. Tenghe imBressione ca PAGNI, u direttore sportive ca se n'ha sciute, fasceve da collande; none le cazijtte; ce ccose avite capite? Quidde so le collant! Ehehehe; come v'agghja spiegà? Stave mmienze tra le sciucature e l'allenatore pe mettere pace! Accussì ame nfranskate brutte; Sule na cose bbone o cambe stave ajere! Nu sbuene de belle uagnedde; Oneste! Capisciammè! Beh! facitava calà!